

## Agder Historielag

Postboks 136  
4662 Kristiansand S  
bankgiro 3000.20.3 6165  
[agder@historielagene.no](mailto:agder@historielagene.no)  
[www.historielagene.no/Agder](http://www.historielagene.no/Agder)  
Tlf. 38 02 61 05



# ÅRSMELDING 2014

*Tillitsvalde i 2014-2015 har vore:*

### **Styremedlemer:**

Beint Foss, Tveit Historielag, leiar  
Eilert Skjævestad, Tromøy Historielag, nestleiar  
Johannes Risnes, Kvinesdal Historielag, styremedlem  
Bjug Åkre, Setesdal Sogelag, styremedlem  
Morten Aslaksen, Vennesla Historielag, styremedlem  
Kristian Sundtoft, Vestre Moland og Lillesand Historielag, styremedlem  
Birgit Attestog, Setesdal Sogelag, styremedlem  
Gunnar Thorstensen, Tromøy Historielag, styremedlem

### **Varamedlemer (personlege):**

Helge Wiig, Mandal  
Knut Engelskjøn, Kongshavn  
Ragnhild Høydal, Kvinesdal  
Astri Skuland, Marnardal  
Gerd Lillian Olsen, Mandal  
Lars Petter Østeby, Høvåg  
John Seldal, Bjorbekk  
Sveinung Lien, Tvedestrand

### **Valkomitéen:**

Ellen Ledaal-Gjertsen, Arendal  
Torgeir Retterstøl, Eide  
Kjell Ove Sætren, Mandal  
Anne-Berit Erfjord, Kvinesdal

### **Revisor:**

Ettersynet av rekneskapen er gjort av  
fylkesrevisjonen i Vest-Agder

### **Skrivar:**

Borghild Løver, Lindesnes

## *Verksemda i laget:*

### **Styret**

Det har vore 3 styremøte og 37 saker på saklista i 2014. I tillegg har leiaren og skrivaren hatt nokre møte. Styremedlem Kristian Sundtoft døydde i 2014, slik at Lars Petter Østeby rykte opp som styremedlem.

### **Skrivar**

Borghild Løver har vore skrivar tilsvarende 20% stilling i siste halvdel av året.

### **Kontorlokale og arkiv**

Lagskontoret har i 2014 vore i Bentsens hus i Kronprinsens gate i Kristiansand sentrum. Medlemene i historielaget har kunna nå skrivaren per telefon dag som kveld og tinge bøker. Hovudlageret av bøker og årsskrift har vore på Statsarkivet i Kristiansand, dvs. på Gimlekollen.

### **Årsmøtet 2014**

Årsmøtet vart halde på Revsnes hotell på Byglandsfjord laurdag 26. april 2014. Det var møtt fram 53 totalt, og 52 av desse var røysteføre lokallagsrepresentantar. Leonhard Jansen heldt eit engasjerande føredrag om "1814 – Eidsvollsmennene frå dalen".

### **Abonentar og medlemslag**

Agder Historielag hadde om lag 750 abonnentar den 31.12.2014. 40 av desse var medlemslag.

### **Økonomi**

Abonnementet for 2014 var på 250 kr. Frå fylkeskommunane kom det totalt inn 220.000 kr i støtte, 100.000 av dei til Agdersoga. Rekneskapan viser eit overskot på i underkant av 100.000 kr, men dette skuldast at jubileumsboka ikkje vart ferdig i 2014, men vert prenta fyrst i 2015.

Me har ståande ei mengd bøker på lager, både av Agdersoga og seinare årsskrift. For fleire detaljar, sjå rekneskapsversyn og revisjonsmelding.

### **Heimesida og fjesboka**

Internettsida vart i 2014 endra frå [www.agderhistorielag.no](http://www.agderhistorielag.no) til [www.historielagene.no/Agder](http://www.historielagene.no/Agder).

Utforminga av heimesida og opplegget for denne har Helge Stahl hatt ansvaret for. Det fine med heimesideopplegget er at lokallaga kan knyte seg opp til dette med eiga heimeside om dei ynskjer det – eller kan stå lenkja til ei side dei allereie har.

Historielaget er på fjesboka, og saman med mange, velviljuge hjelparar frå historielag rundt om, vert det stadig noko nytt på denne sida.

### **Agders Historie**

Det er komne ut fire band av Agdersoga:

- 1920-1945 (Kjell Olav Masdalen, 1991, 2000 eks.)
- 1840-1920 (Bjørn Slettan, 1998, 2000 eks.)
- 800-1350 (Torbjørn Låg, 1999, 2000 eks.)
- 1641-1723 (Ingeborg Fløystad, 2007, 2500 eks.)

Det femte bandet (1350-1640), skriv Stein Tveite på.

Det sjette bandet (1945-2000) har historikar Dag Hundstad skrive på i halvanna år. Stoffsankinga og skrivearbeidet er tenkt å vere ferdig sist i 2014. I komiteén for Agdersoga sit Stein Tveite, Bjørn Slettan, Gustav Sætra, Berit Eide Johnsen, Beint Foss og Rune Holbek. Anne Tone Aanby er biletredaktør.

### **Årsskriftet 2014**

Jubileumsboka var tenkt utkomen i 2014 og skulle erstatte årsskriftet dette året, men det viste seg å vere eit langt meir omfattande arbeid enn fyrst tenkt. Redaktør og eineforfattar var Dag Hundstad, som i tillegg heldt føredraget under jubileumsmiddagen 5. november i Klubben på Ernst hotell.